



Tiv Thaiv cov neeg ua hauj lwm es muaj feem xyuam nrog tus kab mob COVID-19

Cov neeg ua hauj lwm yeej muaj kev tiv thaiv los ntawm ib co kev cai lij coj hauv lub xeev thiab hauv lub teb chaws. Cov kev tiv thaiv thiab cov tuam txhab ua hauj lwm es lawv yuav tsum tau ua kom raws kev cai yuav coj lost ham kom ntxaws hauv qab no. Muaj kev qhia cov xom xwm tshiab thiab cob qhia kom cov pej zeem hauv lub xeev Minnesota paub txog tus kab mob COVID-19 yuav muaj rau sawv daws saib ntawm www.health.state.mn.us/diseases/coronavirus.

Siv cov xuaj moo ua hauj lwm hu ua sick leave

Yog hais tias koj lub tuam txhab ua hauj lwm pub koj tawm hauj lwm vim koj muaj mob ntawm koj tus kheej, koj lub tuam txhab yuav tsum pub koj tawm los mus saib xyuas thiab tu ib tug menyuam tseem yau es muaj mob, ib tug menyuam es twb muaj hnub nyoog puv kaum yim xyoo lawm, tus txij nkawm, nus muag, niam txiv, niam tias, yawm txiv, menyuam xeeb ntxwv, pog yawg los yog niam tshiab thiab txiv tshiab. Koj lub tuam txhab ua hauj lwm yuav tsum tso cai pub koj siv koj cov xuab moo hu ua sick time tib yam nkaus li thaum koj lub tuam txhab pub koj siv thaum koj tawm rau koj tus kheej. Nyob hauv qab ntawm txoj kev cai lij choj tam sim no, qhov kev cai lij choj tsim tshiab no kuj yuav tsis yog tag nrho rau txhua txhua lub tuam txhab hauj lwm thiab txhua txhua tus neeg ua hauj lwm.

Tiv tauj lub tuam tsev saib xyuas kev hauj lwm hu ua Minnesota Department of Labor thiab Industry (DLI) ntawm 651-284-5075, 800-342-5354 los yog dli.laborstandards@state.mn.us yog tias koj muaj lus nug.

Cov nroog xws li Duluth, Minneapolis thiab St. Paul muaj cov xuab moo hu ua sick thiab safe time es cov tuam txhab ua hauj lwm yuav tsum tau muaj pub rau tus neeg ua hauj lwm thaum nws muaj mob:

- [Lub nroog Duluth cov xuab moo tawm vim muaj mob sick and safe time leave;](#)
- [Lub nroog Minneapolis cov xuab moo vim muaj mob sick thiab safe time leave thiab;](#)
- [Lub nroog St. Paul cov xuab moo vim muaj mob sick thiab safe time leave](#)

Txoj Kev Cai Lij Choj hu ua Family Medical Leave Act (FMLA)

Nyob rau hauv lub teb chaws txoj cais FMLA, cov tuam txhab ua hauj lwm uas yog covered employers yuav tsum muaj kev tiv thaiv cov neeg ua hauj lwm kom lawv txhob poob lawv txoj hauj lwm, thaum yuav tau tawm hauj lwm mus saib xyuas los yog tu ib tug neeg mob hauv tsev neeg es tsis tas them nyiaj thaum tawm los yog unpaid leave, ib yam li tus kab mob COVID-19 uas muaj tej yam kev cov nyom tshwm sim. Cov neeg ua hauj lwm es tawm hauj lwm es siv FMLA leave yeej tau txais daim npav kho mob los yog group health insurance coverage ua ntu zus raws nraim li cov lus es yeej tau muaj los ua ntej thaum lawv tawm es siv FMLA.

Hu rau lub tub tuav tsev saib xyuas kev hauj lwm U.S. Department of Labor, Wage thiab Hour Division, ntawm 866-487-9243 yog tias koj muaj lus nug los yog mus saib hauv [U.S. DOL's COVID-19 FMLA guidance](#).

Tsab Cai rau tus kab mob hu ua Federal Families First Coronavirus Response Act (FFCRA)

Tsab cai FFCRA hais tias qee lub tuam txhab ua hauj lwm yuav tsum pub kom muaj kev tawm hauj lwm rau cov neeg ua hauj lwm hu ua family thiab medical leave es yog lawv tawm tsi ntsees thiab muaj feem xyuam nrog tus kab mob COVID-19. Txoj cai FFCRA rau qhov kev tawm family thiab medical leave yog hais kiag rau tej lub tuam txhab ua hauj lwm xws li public employers thiab cov tuam txhab ua hauj lwm private employers es muaj cov neeg ua hauj lwm tsawg tshaj li 500 tus neeg ua hauj lwm. Cov laj luam me es muaj tsawg tshaj li 50 tus neeg ua hauj lwm kuj yuav tsim nyog hla es tsis tas ua raws li txoj cai thaum tsev kawm ntawv kaw los yog tsis muaj tus neeg pab zov menyuam yog tias thaum tawm lawm yuav ua rau lub lag luam mus tsis taus.

Raws li thuj pais, cov cai FFCRA hais tias kom cov neeg ua hauj lwm rau cov tuam txhab ua hauj lwm hu ua covered employers yuav tsum tsim nyob tau txais li no:

- ob lub asthiv (li ntawm 80 xuab moo) them thaum tawm mus thiab them siab li tus neeg ua hauj lwm qhov nyiaj xuab moo (ntawm txog li ntawm \$511 tauj ib hnuv thiab \$5,110 tag nrog ua ke), es yog thaum tus neeg ua hauj lwm tuaj ua tsis tau hauj lwm vim hais tias tus neeg ua hauj lwm rau muab cais mus nyob ib leeg los yog quarantined (raws li taus xaj los ntawm lub teb chaws, lub xeev los yog tsoom fww yog zej zog los yog tau kev qhia kom yuav tsum ua li hais raws li cov kws kho mob hais), thiab/los yog ntxim li tau txais tus kab mob COVID-19 thiab tab tom yuav mus kuaj seb puas yog raug tusk ab mob; los yog
- ob lub asthiv (li ntawm 80 xuab moo) them thaum tawm es them ntau li ob xuaj peb los yog two-third ntawm cov nyiaj xuab moo them tus neeg ua hauj lwm es ib txwm them (ntawm txog li \$200 tauj ib hnuv thiab \$2000 tag nrho ua ke) es yog thaum tus neeg ua hauj lwm tuaj ua tsis tau hauj lwm vim hais tias nws yeej yuav tsum tau saib xyuas thiab tu ib tug neeg es yuav raug cais mus nyob nws ib leeg es yeej muaj tiag tiag (raws li taus xaj los ntawm lub teb chaws, lub xeev los yog tsoom fww yog zej zog los yog tau kev qhia kom yuav tsum ua li hais raws li cov kws kho mob hais), los yog tawm los tu thiab saib xyuas ib tug menyuam (hnuv nyoog qis tshaj 18 xyoo) es nws lub tsev kawm ntawv kaw los yog lub tsev zov menyuam raug kaw los yog tsis muaj neeg zov menyuam vim yog tus kab mob COVID-19; thiab
- tawm ntxiv tau ntev li 10 lub asthiv es hu ua expanded family and medical leave es them thaum tawm es them ntau li ob xuaj peb los yog two-third ntawm cov nyiaj xuab moo them tus neeg ua hauj lwm es ib txwm them (ntawm txog li \$200 tauj ib hnuv thiab \$12,000 tag nrho ua ke), es thaum tus neeg ua hauj lwm, twb tau ua hauj lwm ntev li 30 hnuv, es nws yeej tuaj tsis tau hauj lwm vim nws yuav tau tawm mus tu thiab saib xyuas ib tug menyuam es lub tsev kawm ntawv los yog lub tsev zov menyuam rau kaw lawm tiag tiag li los yog tias yeej tsis muaj neeg zov menyuam vim yog tus kab mob COVID-19;

Hu rau lub tub tuav tsev saib xyuas kev hauj lwm U.S. Department of Labor, Wage thiab Hour Division, ntawm 866-487-9243 yog tias koj muaj lus nug los yog mus saib hauv www.dol.gov/agencies/whd/pandemic/ffcr-employee-paid-leave#_ftn3.

Cov Tuam Txhab ua Hauj Lwm Ntxub Ntxaug Cais Tsis Tau Leej Twg

Lub xeev Minnesota txoj cai rau tib neeg txoj kev muaj cai hu ua The Minnesota Human Rights Act (MHRA) tiv thaiv cov tib neeg ua hauj lwm kom tsis txhob muaj kev ntxub ntxaug yog lawv muaj tej yam xws li kev xiam oos qhab, haiv neeg, tuaj lub teb chaws twg tuaj, hnuv nyoog thiab lwm pawg neeg es muaj kev tiv thawv los yog protected classes. Tej tus neeg twg es yog nws xiam oos qhab ib qho lawm yeej muaj cai hais rau lub tuam txhab ua hauj lwm kom lub tuam txhab nrhiav tej yam kom pab rau nws kom nws ua tau nws txoj hauj lwm los yog “reasonable accommodations” es kom yuav tsum ua raws li txoj cai ntawm Americans with Disabilities Act thiab/los yog the MHRA.

Yog hais tias koj muaj ib qho kev xiam oos qhab es koj yuav muaj kev phom sij kis tau tus kab mob COVID-19 los yog muaj kev phom sij rau koj yog tias koj txais tau tus kab mob, kom muaj cai hais rau lub tuam txhab ua hauj lwm kom lub tuam txhab nrhiav tej yam kom pab rau koj kom koj ua tau nws txoj hauj lwm. Piv txwv, cov neeg ua hauj lwm es muaj ib qhov kev xiam oos qhab es yuav ua rau lawv muaj kev phom sij yog raug tus kab mob COVID-19 kuj nug tau kom nws lub tuam txhab ua hauj lwm pub lawv ua hauj lwm tom tsev los yog tawm hauj lwm es them nyiaj/muaj mob es them nyiaj thaum tawm/tawm es tsis them nyiaj es yog qhov nws nug kom lub tuam txhab yuav tsum pub rau nws kom nws thiaj li tsis raug tus kab mob no thaum lub sij hawm tus kab mob no kis thoob plaws txhua qhov chaw.

Lub tuam txhab ua hauj lwm kuj yuav nug seb cov neeg ua hauj lwm puas muaj tej thaum es lawv muaj ntsis ua daus no thiab hnoos los yog mob qa. Lub tuam txhab ua hauj lwm yuav ceev tej kev mob ntawm tus neeg ua hauj lwm kom zoo tsis pub leej twg paub raws li txoj cai hauv lub teb chaws thiab hauv lub xeev.

Thaum lub sij hawm cov kab mob kis thoob plaws txhua qhov chaw no, cov tuam txhab ua hauj lwm kuj tsis pub lawv nug tej tus neeg ua hauj lwm es lawv yeej tsis ntxim li lawv muaj kev mob nkeeg xws li influenza symptoms txawm tias lawv muaj thiab tsis muaj ib qho kev mob es lub tuam tsev saib kev mob nkeeg hu ua Centers for Disease Control and Prevention (CDC) yeej tau hais tias qhov kev mob no yuav phom sij heev yog lawv lam txais tej kab mob xws li influenza. Cov chaw ua hauj lwm yeej tsis muaj ib qho kev txiav txim siab yeeb vim yog lawv muaj tej qho lawv tsis nyiam thiab vim lawv xav tias ib tug neeg zoo ib yam ua ces txhua tus ua.

Yog hais tias tus neeg ua hauj lwm yeej yeem qhia rau lawv lub tuam txhab ua hauj lwm tias lawv yeej muaj ib qho mob los yog ib qho xiam oos qhab es yuav ua rau lawv muaj kev phoj sij thaum lawv kis tus kab mob COVID-19, lub tuam txhab ua hauj lwm yuav tsum ceev cov kev qhia information no kom tsis pub leej twg paub.

Cov tuam txhab ua hauj lwm yuav tsis pub lawv xav tias cov neeg ua hauj lwm es yeej paub txog lawv qhov kev mob los yog lawv qhov kev xiam oos qhab yuav ua rau lawv muaj kev phom sij thiab nyuaj kho yog lawv tus kab mob COVID-19. Yog xav paub ntxiv txog cov ntaub ntawv qhia npaj tiv thaiv kab mob kis thoob plaws tom qhov chaw ua hauj lwm thiab txog tej yam es lub tuam txhab hauj lwm yuav tau ua kom thiaj li raug txoj cai, mus saib hauv www.eeoc.gov/eeoc/newsroom/wysk/wysk_ada_rehabilitaion_act_coronavirus.cfm.

Lub tuam tsev saib xyuas tib neeg txoj cai kom vaj huam sib luag hauv lub xeev Minnesota hu ua Minnesota Department of Human Rights yog lub xeev lub koos haum los mus tswj tej kev ncaj ncees rau tib neeg thiab tswj lub tuam tsev saib kev noj qab haus huv hu ua MHRA. Yog koj ntseeg tau tias koj yeej raug kev ntxub ntxaug lawm, ces tiv tauj qhov chaw hauj lwm ntawm 651-539-1133, 800-657-3704 los yog info.mdhr@state.mn.us los yog mus teb daim ntawv cov lus nug kom paub sab laj nrog koj hauv mn.gov/mdhr/intake/consultationinquiryform.

Kev Pab thaum poob hauj lwm los yog Unemployment Insurance benefits

Yog hais tias koj poob koj txoj hauj lwm los yog koj cov xuab moo raug txo ntau heev lawm, koj yuav tsum tau mus thov nyiaj poob hauj lwm noj los yog Unemployment Insurance (UI) benefits. Thaum koj sau ntawv mus thov nyiaj poob hauj lwm koj mam li qhia rau UI program tias vim li cas koj thiaj li tsis ua hauj lwm lawm. Yog xav paub kom ntau tshaj txog cov ntau ntawv information txog thov nyiaj poob hauj lwm los yog mus thov nyiaj poob hauj lwm, mus saib hauv www.uimn.org.

Tus tswv hauv lub xeev Minnesota los yog Gov. Tim Walz tau tshaj ib tsab ntawv los yog tau xaj (executive order) thaum lub Peb hlis hnuv tim 16, 2020, hais tias cov neeg ua hauj lwm es raug tus kab mob COVID-19 kis thoob plaws yuav tsum pub lawv thov nyiaj poob hauj lwm noj. Yog xav paub ntau ntxiv txog daim ntawv xaj los yog executive order thiab tej nqi lus nug es tib nug ntau tshaj plaws thiab cov lus teb, ces mus saib hauv www.uimn.org/applicants/needtoknow/news-updates/covid-19.jsp.

Tiv thaiv cov neeg ua hauj lwm es kis kab mob los yog tau nyob nrog cov neeg muaj tus kab mob COVID-19

Nyob rau hauv txoj cai lij choj ntawm kev noj qab haus huv hu ua state health law, yog hais tias ko kis tusk ab mob los yog tau nyob nrog cov neeg muaj tusk ab mob COVID-19 thiab lub tuam tsev saib kev noj qab haus huv hauv lub xeev hu ua Minnesota Department of Health (MDH) tau hais rau koj tias kom koj yuav tsum tau nyob hauv tsev (cais koj tus kheej los yog nyob ib leeg), ces koj lub tuam txhab ua hauj lwm yuav tshem tsis tau koj tawm, rau txim rau koj los yog tsub txim rau koj vim koj qhaj hauj lwm. Qhov kev tiv thaiv no kuj hais txog qhov es koj yuav tsum tau zov cov menyuum es tseem yau los yog ib tug neeg laus ntawm koj tsev neeg es yog cov lub tsev saib xyuas kev noj qab haus huv MDH tau hais kom nws yuav tsum tau cais mus nyob nws ib leeg. (Tus laus neeg ntawm koj tsev neeg no yuav tsum yog nws muaj ib qho kev xiam oos qhab los yog ib tug laus neeg es tsis mee pem thiab pab tsis tau nws tus kheej lawm.) Qhov tiv thaiv txoj hauj lwm no tiv thaiv tau 21 hnuv es yog cov hnuv ua hauj lwm. Yog xav paub ntxiv, hut us xov tooj es MDH muab rau koj yog xav paub ntxiv txog cov tswv yim lawv qhia koj.

Nyiaj them thaum raug mob

Yog hais tias koj kis kab mob es tshwm sim thaum koj tseem ua hauj lwm los yog hauv koj qhov chaw ua hauj lwm, koj kuj yuav tau txais cov nyiaj them rau koj vim koj raug mob hu ua worker's compensation benefits, kuj yog them nyiaj rau thaum koj tsis ua hauj lwm es nyiaj tsis txaus thiab tau txais daim npav kuaj mob. Txawm li ntawd los, koj yuav tsum tau nrhiav kom tau pov thawj tias koj kis mob vim yog kis ntawm koj lub chaw ua hauj lwm.

Yog hais tias ib tug neeg ua hauj lwm es ua hauj lwm pab rau cov neeg muaj mob xws lo emergency responder kis cov kab mob, Lawv ho nyob ze cov kab mob no thaum lawv tseem ua hauj lwm sab nraum lub tsev kho mob, cov kab mob no poob rau hom hu ua occupational disease vim yog txoj hauj lwm lawv ua.

Yog hais koj tsis muaj mob, tabsis koj yuav tsum tau nyob tsev es tsis mus ua hauj lwm vim rau qhov koj tau nyob ze rau cov neeg muaj tus kab mob, koj yuav tsis tau txais cov nyiaj them thaum koj raug mob los yog worker's compensation raws li txoj kev cai lij choj tam sim no.

Txhua txhua rooj los yog case mas yuav tsum muaj pov thawj raws tseeb. Hu rau chav saib xyuas hauj lwm hu ua Department of Labor and Industry ntawm 800-342-5354 (nias 3) yog hais tias koj muaj lus nug seb koj puas tsim nyob tau txais txais cov nyiaj them thaum koj raug mob los yog worker's compensation benefits.

Them nyiaj zaum kawg

Yog hais tias koj tawm tsis ua hauj lwm lawm thiab koj lub chaw ua hauj lwm tseem tsis tau them koj cov nyiam ua zaum kawg, ces muaj ntau theem rau koj es koj yuav tsum tau leg kom koj thiaj li raug them cov nyiaj es yuav tsum tau them koj. Yog xav txog cov them es koj yuav tsum tau leg kom koj thiaj tau txais koj cov nyiam them zaum kawb, mus saib hauv DLI's [making a demand for final wages webpage](#).

Hloov Tej Yam kev ua hauj lwm (Changes to working conditions)

Yuav tsum tau ua hauj lwm dhau sij hawm los yog Overtime

Yog hais tias lub chaw ua hauj lwm teem sij hawm thiab hais kom cov neeg ua hauj lwm yuav tsum tau ua hauj lwm dhau sij hawm los yog ua overtime, ces lawv tsum tau them cov sij hawm ua hauj lwm overtime kom ntau raws li tsab cai lij choj nyob hauv lub xeev los yog lub teb chaws. Cov cai hauv lub xeev teev tseg tias cov neeg ua hauj lwm pab tus kws kho mob ua yog nurse yuav tsum tau ua hauj lwm overtime. Lwm cov neeg ua hauj lwm tej zaum kuj nyob rau hauv tej qhov kev pom zoo hu ua collective bargaining agreements es pub rau cov neeg ua hauj lwm xaiv seb lawv puas xav ua overtime los tsis ua.

Qhov chaw ua hauj lwm hloov

Cov chaw ua hauj lwm yuav tsum tau saib cov sij hawm, ceev cia cov sij hawm, thiab them tag nrho cov sij hawm es cov neeg ua hauj lwm tau ua thiab tej zaum kuj, tej thaum, kuj yuav tsum tau them cov nyiaj es tus neeg ua hauj lwm thau hauv nws hnab ris siv thaum nws tawm mus hauj lwm rau qhov qhov ua hauj lwm. Cov nqis es yuav them rov qab rau tus neeg ua hauj lwm no kuj yuav tsis tas kom yuav tsum tau them rov qab txog ntua thaum nws tsis tawm txoj hauj lwm lawm.

Cov sij hawm ua hauj lwm; cov sij hawm them nyiaj

Cov neeg ua hauj lwm noj nyiaj hli es muaj kev zam los yog Salaried exempt workers

Nyob rau qee lub sij hawm thaum lub lag luam txiav txim siab txo lawv lub lag luam cov xuab moo kom luv, lub chaw ua hauj lwm kuj txo tau cov nyiaj hli ntawm cov neeg ua hauj lwm noj nyiaj hli los yog salary of an exempt worker. Yog hais tias tus neeg ua hauj lwm noj nyiaj hli los yog salary of an exempt worker qhaj ib hnub es nws

tsis ua hauj lwm, lub chaw ua hauj lwm kuj txiav tau nws cov nyiaj hli ib qho. Qhov nyiaj txiav no tsuas txiav tau yog tias tus neeg ua hauj lwm no yeej ua tsis tiav nws cov hauj lwm hnuv ntawd li.

Txaus Siab Ua Hauj Lwm Pub Dawb

Cov hauj lwm es ua hauj lwm pub dawb tsis them nyiaj rau ces yeej mus ua tau rau hauv cov koos haum es tsis muaj tau nyiaj qhov twg los hu ua nonprofit organizations los yog cov koos haum ntawm tsoom fww. Yog ua rau cov chaw ua hauj lwm es tau nyiaj los hu ua profit employer mas yuav tsum them tus neeg ua hauj lwm qis tsis tshaj qhov nyiaj xuab moo tau teev tseg raws li txoj cai thiab them rau cov sij hawm ua dhau caij los yog overtime, thiab them nyiaj rau lwm yam hauj lwm es tau ua tiav lug.

Kev noj qab haus huv thiab kev nyab xeeb tom chaw ua hauj lwm

Yog xav tau cov ntaub ntawv information txog kev noj qab haus huv thiab kev nyab xeeb tom chaw ua hauj lwm es muaj feem xyuam nrog tusk ab mob COVID-19, mus saib www.dli.mn.gov/business/workplace-safety-and-health/mnosha-compliance-novel-coronavirus-covid-19.

Qhia rau chaw hauj lwm txog tej kev txhawj xeeb txog kev noj qab haus huv thiab kev nyab xeeb tom hauj lwm.

Koj lub chaw ua hauj lwm yuav tsis pub kom muaj kev pauj kev chim rau koj vim koj qhia rau lawv txog tej kev txhawj xeeb txog kev noj qab haus huv thiab kev nyab xeeb tom hauj lwm. Yog hais tias koj ntseeg tau tias koj lub chaw ua hauj lwm ua tej yam kom pauj tau kev chim rau koj, koj yeej sau tau ntawv mus tawm tsam lawv rau ntawm qhov chaw hu ua Minnesota OSHA Compliance tsis pub dhau 30 hnuv tom qab lawv ua phem rau koj.

Tsis Kam ua hauj lwm

Koj yeej muaj txoj cai tsis kam ua hauj lwm yog thaum koj, yeej ntseeg yeej tsis dag, tias tej yam tshwm sim tam sim no yuav muaj kev phom sij ua rau tuag tau los yog ua mob nyhav rau koj tus kheej rau koj lub cev ntaj ntsug. Ua mob nyob nyhav rau koj lub cev ntaj ntsug ces yog mob thaum ua hauj lwm es ua rau koj xiam oos qhab tag koj lub neej, xiam oos qab mus li ib ntus los yog yuav tau mus kuaj mob kho mob tas mus li.

Ib qho ntseeg tias yuav muaj kev phom sij txog kev tiag los yog raug mob nyhav rau koj lub cev ntaj ntsug kuj yog ib qho ntseeg tau tias tus neeg ua hauj lwm raug xa mus ua hauj lwm rau ib qho chaw es muaj kev phom sij los yog tsis muaj kev tiv thaiv kev noj qab haus huv es yuav kis tau tus kab es kis yooj yim. Tus kab mob coronavirus yog ib tug kab mob es muab xam hais tias kis tau yooj yim.

Koj lub chaw ua hauj lwm yuav tshem tsis tau koj tawm los yog fire koj los yog cia li lam ntxub ntxoog koj vim koj yeej muaj qhov kev ntseeg tias muaj kev phom sij es koj thiaj li tsis kam ua qhov hauj lwm lawv xa koj mus ua thiab koj twb kom koj lub chaw ua hauj lwm saib xyuas thiab kho kom tsis txhob muaj tej kev phom sij tab sis lawv yeej tsis saib xyuas thiab kho li. Yog hais tias koj yeej tsis kam ua qhov hauj lwm ntawv vim koj yeej ntseeg tau tias muaj kev phom sij, es koj lub chaw ua hauj lwm tsis tshem koj mus ua rau lwm qhov hauj lwm, koj yeej tiv tauj tau rau qhov chaw hu ua Minnesota OSHA (MNOSHA) Compliance kom lawv tuaj pab koj. Qhov chaw MNOSHA Compliance yuav tiv tauj koj lub chaw ua hauj lwm es sim seb daws puas tau cov teeb meem es koj muaj kev txhawj xeeb txog. Yog hais tias qhov chaw hauv lub xeev Minnesota OSHA Compliance pom tau hais

tias koj yeej raug muab tso mus ua hauj lwm es yuav muaj kev phom sij rau txoj kev tuag los yog yuav raug mob nyhav rau koj lub cev ntaj ntsug es yog koj ua txoj hauj lwm ntawd, ces koj lub chaw ua hauj lwm yuav tsum tau them nyiaj rau koj rau cov hauj lwm es lawv kom koj ua txawm tias koj tsis tau ua.

Tiv tauj lub xeev Minnesota OSHA Compliance ntawm osha.compliance@state.mn.us, 651-284-5050 los yog 877-470-6742 yog koj muaj lus nug.

-###-

Daim ntaub ntawv information no yeej muab sau qhia kom muaj lwm hom lus los yog lwm qhov formats (muab nyeem ua lus hais, kom cov neeg dig muag xuas kom paub los yog Braille los yog muab sau kom tus ntawv loj loj).

March 26, 2020